



DEO OPT. MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS;
*manè disutienda, in Scholis Medicorum, die Martis sextâ mensis
Martii, anno Domini M. DCC. LXIV.*

M. DAVID VASSE,

Bibliothecæ Facultatis Præfæto designato, M^{ri}. GUIDONIS-
ANDRÆ GARNIER, in Insulis Martinicâ & Guadalupâ,
Consiliarii Regis Medici ordinarii vices gerente, Doctore Medico,
Præside.

An condimentum, medicamentum Sinapi?

I.



IN API [Granum . . . quod minimum quidem est omnibus
seminibus, cum autem creverit, majus est omnibus oleribus,
& fit arbor, ita ut volucres cæli veniant & habitent in
ramis ejus. Math. 13. 32.] triplex est species: Rapi
scilicet alia; altera Apii, tertia tandem Eruca folio.
Casparis Bauhini Pit. Turnefort: Quæque usui est. Pergratum quidem

iis , quibus curæ venter est , obsonium ; infirmis verò ciborum salubris conditura : Ipsâ quot variantur modis fercula , mirandum ! Cum & sine præparatione aut mixturâ manditur Sinapi. Ehedum ex ejus recordatione scatet in ore saliva , lachrymæ ex oculis deciduæ fluunt , titillatur in naribus (pituitosa quæ vocatur) membrana : & si esus cupiditatem cibi promoveat , dum ejus condimentum est fames ; morbo laborantibus appetentiam renovat , en remedium ; satiatis , indulget aviditati ; en irritamentum gulæ : usu modico sanitatem conservat , reficit , arcet morbos. Ad coquendos cibos idoneum imò celerem ex tardo efficit ventriculum.

I I.

DI V I O, Sueffio, Andegavium, Bellemontium Rogerii, imò populosissima Luteria, urbes sunt famâ quam genuit utilitas apud Gallos celeberrimæ; in iis enim conficitur electarium quod suâ etymologîâ simplex Sinapi nomen fortitur: hæc confectio, pro diversâ qua paratur conditione vires & nomen habet urbis diversâ: hinc Divionis ex musto, Andegavii ex aceto, Sueffionis ex aquâ simplici, &c. Sinapi vocatur Divionis, Sueffionis, Luteriæ, &c. In mensis frequentissime adhibetur: nec ulla tempestas in qua exulet: si non omni nec cuique sexui, ætati ac temperamento convenit, ideo quia in Medicis propositio iu generalior nimis probat, ast & converso, omnia (Caffè, Thee, Chocolatum, salsa, saccharata, mellita, &c.) condita, salubritate, odore, sapore, numero cedant Sinapi.

I I I.

CI B O R U M, quos educationis ergò natura dedit, nec non organorum ad operanda conficiendaque ea quæ ad vitam necessaria constituit, magna suppellex: at si istorum, quæ ex multiplicatis diverseque præparatis ferculorum speciebus mediorum numeretur ratio, quæ, quot & quanta adjumentorum series: Undè si infinita pene numero temperamentorum summa atque computatio, supereminet nutriendi, conservandi, restaurandi, curandive ceu fanandi multifaria ministrandi caterva: hinc in eludio parando obsonii inveniendi nulla difficultas, eligendi vero condimenti scientia expetitur: atque sinapim noverit eâ usus paginam adimpleat in procurandâ alimentorum digestionem necesse est, dum planta istæ vi polleat qua in ore morsa, mansa masticataque, undecim fon-

tibus salivæ diluta ; dentibus trita, aëre impregnata jam jam semî cocta deglutiuntur ; unde si saliva deficit, lachrymæ & mucus narium vices gerunt dum utrumque titillatum ad fauces appellit ; si crassa eliminatur ; si sale acri fœta , acriori quo corrigitur mutat diathesim ; si vappida , spiritu turget : nec solo in ore vim suam exerit, in pharynge, œsophago, cardiâ, ventriculo, imò in intestinis, in vasis lacteis, in venis quibus primùm miscetur chylus, in dextro cordis ventriculo, tandem in pulmonibus alacrem ultimam se gerit chymosis ; unde sanguinis confectio perfectior, secretiones excretionesque cujuslibet generis liberiores, abundantiores, promptiores.

I V.

SINAPI, cum turgeat, quo pollet, sale acri volatili oleoso ; cephalicum, cardiacum, stomachicum, hepaticum, diureticum, sialogum &c. audit. Ingreditur aquam antiscorbuticam, emplastrum & unguentum epispasticum in codice medicamentario Parisiensi. Electarium Mustarda (cujus etymologia mustum & ardere) viribus pollet innumeris ; incidit enim, attenuat, aperit, discutit, diversos appetitus & quidem salutares excitat, humores quos phlegma appositi vocarunt Græci, dirimit, diripitque ; lapides in renibus, disrumpit, diruit ; vermes enecat, destruit nociva ; in quartanâ feliciter adhibetur febri ; melancholiæ hypocondriacæ prodest ; scorbuto quàm mirè confert, sternutationem provocat ; pituitam, urinas, sudores, lachrymas, salivam elicit ad modum ; tumores resolvit, perniones præcipuè ; digerit abscessus atque maturat ; in applicandis cucurbitulis & scarificationibus inspergitur pulvis aut applicatur emplastrum unguentumvè in paralyfi, apoplexiâ, membrorum torpore, revocandâ podagrâ imò & aliis morbis ubi stagnat humor, vappidus sanguis, &c. Patres nostri laudarunt, probarunt, adhibueruntque ad omnia fere commoda adeo ut si tam ferò advocata in usum sunt Tabacum, Thee, Chocolatum, Caffè & alia bene multa, suspicari est, in nostro presenti medicamine, alimento, condimento vim inesse quæ supradictorum vices suppleat.

V.

SUA sunt cuique mensura & modus ; unde nec instet quis, Sinapi non esse alimentum, cum præsto reponatur esse condimentum. Si conqueritur adversarius quod lachrymas eliciat, nares pungat ;

offertur ei panis ut naribus applicet, & Sinapis parciore dosi utatur, monetur benignè: quid si ridendo de Sinapi Vulgatum referatur proverbium, *post pransum Sinapi*, non seriò aliud venit retorquendum. Nihilo melius hilum, modo (& si tardè) veniat. Tarde qui veniunt sunt pauperes quibus remedium paratur Sinapi pro ferophulis, scorbuto, & febre à viscerum infarctu ex pravis (maximè ex pane sicco & secundo) alimentis: ipsis prophylacticum sæpius mansum; si verò non omnibus & non semper, sapissimè saltem & quam pluribus mirificè adhibetur.

Ergò condimentum, medicamentum Sinapi,

DOMINI DOCTORES DISPUTATURI,

M. Joannes-Franciscus-Clemens Morand, Eques, è Regiâ Scientiarum Academiâ Parisiensi, Regii Medicorum Nanceianorum Collegii Socius honorarius, Collegii Medicorum Leodiensium Assessor honorarius, necnon in Regiâ Invalidorum Domo Coadjutor Medici renuntiatus.

M. Martinus Nouguez,

M. Ambrosius Hofsy,

M. Joannes Mac-Mahon, Antiquus exercituum Regis & Nosocomiorum Militarium Medicus, Regiæ Scholæ Militaris Medicus ordinarius.

M. Franciscus Thiery, Regi à Consiliis Medicis.

M. Florentius-Carolus Bellot, Professor Regius & Chirurgus, Professor.

M. Ludovicus Pathior,

M. Ludovicus-Alexander Gervais.

M. Franciscus Bidault,

Proponebat Parisiis PHILIPPUS QUERENET, Viennensis, Doctor Medicus Monspeliensis, necnon Saluberrimæ Facultatis Medicinæ Parisiensis Baccalaureus, A. R. S. H, 1764. à sextâ ad meridiem,